

小學考

光緒十五年歲在屠維作噩新嘗月

小學

烏程蔣氏偶丁署檢

答竹垞來氏纂經義攷凡說經諸書咸萃焉顧士賢通經必先以小學為之
郵此南康謝蘊山先生所召有小學攷之任也先生為學者古少踐清夢則
讐書東觀上窺天府姬嫫逮隸任所浙陳臬開蕩于又瀾閩之美言
又昔嘗寓目且隨霞采輯並著並收洋字大觀也謂非小學津梁哉惜
原版梓成即煨厥後其孫質卿重為校刊自經兵燹不復化為烏有也印本
流傳稀如鳳凰今將家藏初印原本並以質卿所重校及近時局刻互為詳
斟凡有舛謬悉為訂正特倩上海書局石印以公同行庶幾上承朱氏下君
後人咸曉然于讀書識字之根源則興
不亦若又崇尚實學之意或不無贊助云

國朝秀水朱氏謨經義考爾雅二卷外凡形聲訓詁之書皆未著錄於是南康謝氏繼之有小學考之作其首二卷謹錄我

朝奉

敕謨著之書此外分爲四類曰訓詁曰文字曰聲韻曰音義每一卷之下詳載其原序及各史著錄諸家評論之語一如朱氏體例而加詳焉故雖止小學一門而爲書至五十卷可謂博矣夫士不通經不足致用而非先通小學無以通經宋元以來士大夫高談性命如聲音訓詁未及講求王荆公固作字說者而霸字從西從示茫然不知王伯厚博極羣書竟不知孝季之爲二字然則小學之衰久矣加之里塾之師烏焉莫辨好奇之士鄉壁虛造如陶宏景真誥多用道家俗字若鼎作鼎惡作惠之類衛元嵩元包經多用古文奇字若井并六之類徒足以疑誤後學而已

國朝經術昌明承學之士始知由聲音文字以求義理於是家有校長之書人習說文之學而此書也實自來言小學者之鈐鑰欲治小學不可不讀此書吾浙自阮文達公創詁經精舍奉許鄭二先師栗主於講堂使學者知欲治鄭學必先治許學自是以來彬彬多通經之彥矣前年善化瞿子玖學士奉

命來視浙學一以經義訓迪多士旣命書局刊刻鄭氏佚書及將受代又刻此書兩書之成皆屬余爲之序余二十年來忝主詁經講席又從事於書局故雖謫陋義不得而辭惟念此書實補朱氏經義考所未備余從前以經義考一書學者不可不讀言於當事者刻之局中乃朱書刻而未成此書先告戴事雖剗剗之功容有遲速然欲通經學先從小學始許鄭兩先師其詔我矣余願學者因此益治小學以貫通羣經大義而上贊

聖世同文之治庶不負謝氏謨著之苦心學使刊刻之雅意乎

小學考序

小學考者補秀水朱氏經義考而作也朱氏之考既類次爾雅二卷而形聲訓故之屬闕焉是後學之責也顧南原自言隸辨一書爲解經而作意固善矣往者學人狃於帖括之習沿塾師音義不識古字古訓爲何物邇年士大夫則又往往侈談復古博稽篆籀古隸審辨說文爾雅闡形聲訂同異而於童年肄習經書實義或轉不之省某嘗謂近日考古嗜博者每求之六合之外而遺於耳目之前嘉興王惺齋有言今人爲文棄韓歐諸家所用之字而好辨許祭酒重文張次立附字此學者之大患也昔宋鄱陽洪氏績急就類滂喜自以爲博識矣其究也徒取好奇之弊於復古乎何有然平心論之學者鑒彼兔園冊子局束見聞則又不得不引伸類長旁極而摹據之夫學問之實惟在識力正定而已苟其識力之弗正也務博之失與苟簡之弊均也如其氣足以內養力足以自充則與其陋也寧博與其臆斷也無寧證古矣曩在館下每以此事諭吾謝子今三十餘年而謝子從政之餘果克哀輯成書是其養氣有餘而識力正定之明驗也讀是編者幸勿忘其爲解經而作也其庶幾乎嘉慶四年歲在己未夏四月朔北平翁方綱

六經皆載於文字者也非聲音則經之文不正非訓詁則經之義不明爾雅一編肇始於周公故詩贊仲山甫之德則曰古訓是式宣尼告魯哀公亦云爾雅以觀於古厥後七十子之徒叔孫通梁文諸人遞有增益如張仲孝文瑟兮僶兮謔浪笑傲之類是也後儒執此數言疑爲漢人綴集各出新意以說經而經之旨去之彌遠矣自倉頡創作文字而黃帝因之以正名百物古之名今之字也古文籀篆體製雖變而形聲事意之分師傳具在求古文者求諸說文足矣後人求勝於許氏拾鐘鼎之墜文既眞贋參半逞鄉壁之小慧又誕妄難憑此名爲尊古而實戾於古者也聲音固在文字之先而卽文字求聲音則當以文字爲定字之義取於孳形聲相加故六書惟諧聲爲多後人不達古

音往往舍聲而求義穿鑿傳會卽二徐尙不能免至介甫益甚矣古人之意不傳而文則古今不異因文字而得古音因古音而得古訓此以一貫三之道亦推一合十之道也漢志以小學入六藝略後之志藝文者莫不因之秀水朱氏經義考博稽傳註作述源流最爲賅洽而小學獨闕好古者有遺憾焉方伯南康謝公蘊山枕藉經史博綜羣言早歲警書東觀得闕金匱石室之藏旣而典大郡陟監司公務之餘鉛槧未嘗去手每念通經必研小學而古今流別議論紛如乃遵秀水之例續爲小學考頃歲領藩兩浙人和年豐海壖綏靖

文瀾閣

頒賜中祕書職在典守時得寓目乃出舊彙參以新得分訓詁文字聲韻音義爲四門爲卷凡五十旣成以大昕夙有同嗜貽書見示讀之兩閱月而畢彬彬乎穢穢乎采摭極其博而評論協於公洵足贊

聖世同文之治者乎夫書契之作其用至於百官治萬民察聖人論爲政必先正名其敎歸於禮樂興刑罰中張敞杜林以識字而爲漢名臣賈文元司馬溫公以辨音而爲宋良相然則公之於斯學固有獨見其大者因文以載道審音以知政孰謂文學與經濟爲兩事哉嘉慶三年歲在戊午八月嘉定錢大昕序

附錢詹事書

大製小學考授羅博奧而評論又公且當較之竹垞書精博實有過之蓋竹垞當日異書猶多伏而未出研精小學者亦至今日而極盛閣下以碩學通儒爲斯文領袖是以擇之精而語之詳允爲藝林必不可少之業也前承委序言俾賤名得附大著作以傳不任榮幸祇以學殖荒落兼值病後率爾操觚殊未能贊揚旨趣之萬一伏希大方削正庶免佛頭著糞之誚茲併原書奉繳其

中偶有鈔寫魚豕之訛隨筆輒爲校改間有管穴所及附簽一二以備采擇耳大昕向有所疑茲願聞於典謁者近儒論韻學皆謂今韻二百六部併爲一百七部始於平水劉淵今按劉淵壬子新刊禮部韻略不見於

欽定四庫書目唯邵長蘅古今韻略卷首敘所見韻書曾載之然大昕五十年來徧訪南北藏書家俱無有著錄者獨吳門黃孝廉家有平水新刊韻略係元大德刊本前載河間許古序乃知爲平水王文都所譌序末題正大六年己丑則金哀宗年號也於宋爲紹定二年其時金猶未亡至瀋祐壬子則金亡已久矣己丑在壬子前廿有四年淵所箸者殆卽文郁之本或失其序而讀者誤以爲淵所作耳黃公紹韻會敘列並舉江南毛晃江北劉淵兩家而每部增字於毛則云毛氏韻增於劉則云平水韻增然則淵乃刊平水韻之人而後人乃以平水屬之劉淵毋乃誤耶且使淵而果宋人也在稍通古今者豈有慕於元海之名而效之者唯鐫字之工未嘗學問乃無足怪耳大昕蓄疑有年究以未見劉書不敢決其然否淹洽之彥多在幕府試一爲咨訪順風之呼或可得此書下落以訂向來沿習之誤豈非大快事哉唯閣下留意焉邵長蘅諸人皆謂上聲拯韻爲陰時夫併今據王文郁書則拯等之併不特非時夫亦非淵也此段於韻學頗有關係春閒晤陳君仲魚時曾將拙跋文郁韻略一首就正已蒙采入唯未得劉本一爲印證終有遺憾然文郁實在劉淵之前則併韻不始於淵較然明白惜乎亭林竹垞西河諸君未見文郁書遂集矢於劉所希閣下爲雪此冤耳大昕頓首

六藝者小學之事然不可盡之於小學也夫九數之精至於推步天運冥測乎不得目睹之處遙定乎前後千百載不接之時而不迷於冥茫不差於毫末此術家之至學小子所必不能也夫六書之微其訓詁足以辨別傳說之是非其形音上探古聖初制字文之始下貫後世遷移轉變之得失此

博聞君子好學深思者之所用心小子所不能逮也至於禮樂則固聖賢述作之所慎言尤不得以小學言矣然而謂之小學者制作講明者君子之事既成而授之使見聞之端於幼少者則小子所能受也今夫行萬里窮山海者紀其終身之所履艱危勞苦之所僅獲以告於居不出於室中者可以一日而盡得也夫小學者固亦是而已秀水朱錫鬯檢討嘗作經義考載說經之書既備而不及小學今南康謝蘊山方伯以爲小學實經義之一端爲論經始肇之事且禮樂則言之太廣射御則今士所不習九數則誠術家專門之所爲惟書文固人人當解學者須臾不能去非專門之事也前世好古之儒固多究心於斯至於今日其書旣厭或因舊聞而增深或由創得而邁古雖其閒粹駁淺深爲者或不必盡同然而彼皆欲自爲其艱危勞苦而授小子以逸獲之道其人其志固皆不可泯也因輯漢以來言文字訓詁形音之書至於今日英才博學所譔舉載於編凡五十卷名之曰小學考以補朱氏之所未備其言筆勢八法者乃棄不錄以其無關於經學也考成以其書示黽鯨誠嘉方伯有不遺厥善采輯之美意又以爲能盡大人君子之心乃能授其教於小子方伯之用心如此異日助成

國家禮樂之修其亦有望也與嘉慶三年八月桐城姚鼐序

小學考序

資政大夫兵部侍郎兼都察院右副都御史巡撫廣西南康謝啟昆謹

古者書必同文政先正名小學爲經藝王政之本故自幼習書計至於成人授經三年而通一藝三十而五經立爾雅出周孔之徒以正名物三倉急就迭興而汝南許君集其大成孫叔然受業北海鄭君門人始作翻切學者務極其能於是音訓之書備焉蓋小學本附羣經漢之七略藝文梁隋之七錄經籍皆然秀水朱氏譔經義考有功經學甚鉅但止詳爾雅餘並闕如吾師翁學士覃谿先生作補正又欲廣小學一門時爲予言之余惟

國家稽古右文廣收載籍彙爲四庫全書羣經之後次以小學

敕譔諸書卽謹載焉卽乎盛矣乾隆乙卯啟昆官浙江按察使得觀

文瀾閣中祕之書經始采輯爲小學考後復由山西布政使移任浙江從政之暇更理前業成書五十卷卷首恭錄

敕譔次訓詁則續經義考爾雅類而推廣於方言通俗文之屬也次文字則史篇說文之屬也次聲韻則聲類韻集之屬也次音義則訓讀經史百氏之書訓詁文字聲韻者體也音義者用也體用具而後小學全焉大戴禮記魯君欲學小辨以觀于政孔子曰爾雅以觀于古足以辨言是小學通於爲政經術致用之儒必有取爾矣助爲輯錄者桐城胡徵君虔及海寧陳鱣鱣余所舉士也時嘉慶戊午季夏越五年壬戌重加釐定乃付板削焉

東邊舊不疑解之是知書也少間有農家子弟欲誦讀劍傳年以
究授四書章句若不改丁則長而世事名場者動有取交魯魚之失不
誠自高也小學之名尚不能知過云訓誥音韻詩書出意於舊坊中
痛得是書係表有書一代惠顧朱王段諸學漢大師競之以中
字為意有謂道在之經之經乃聖人之言為義明皆古非明訓誥小學無以
通其言其言不翅知之經之經而是不能明如是則五乃由訓誥而受
手古訓誥之學興而書傳不低欲會其書也此史人通學之士乃不為書
於簡者欲以之學也舊史書以明古義之快擬並能於淺淺輕通史中
後代文四子之傳記印知七書之價值及小學在文四子上之地位矣
此之附言惟有章運者見之留意焉

夢珊以識

先大父中丞公生平所著書有西魏書廣西通志粵西金石略勝朝殉節錄樹經堂詩文集詠史詩等皆梓行當世板存豫章家塾惟晚年謾小學考五十卷未梓遽薨先君觀察公守歸德時始就剞劂一時索此書者雖出以應之而究未肯廣為流傳以中多魚魯尙待校讐也解組後僑居廣陵板藏於寓宅之東樓先君旋即下世質卿服闋後銓仕入秦道光二十八年夏樓災此板同歸一

炬聞信嗟悼欲覓外間印行之本重刻一部以竟先人未竟之志久之不可得蓋小學一門究心者少而秦中又僻在西偏為東南書賈所不到所以購之歷年久未能償也咸豐元年秋偶經長安市見坊中書簿有此書名詢之則已為甘肅人購去訪而商之以重價贖回喜不自勝即時勘校付之手民凡五閱月而工竣質卿幼承庭訓所以期勉者甚厚而祖父精神所寄尤在此書數年來以不

克慎守致被回祿午夜悚惶難安寢食今幸仰荷先靈俾已燬之板重獲刊布質卿藉得稍贖前愆

私心一慰特以智識樸昧於訓詁聲音之義未能闡發萬一家學恐墜烝然汗下爰續述願末綴諸簡端匪惟自訟其過抑願世之習小學者讀是書而資考證焉斯固先大父之志也咸豐二年春三

月孫質卿謹識

謝廬山氏一生心血所成此書乃未竟而薨再世獲成又君其天亡於斯之也愛之斯之乃天相不德之陽山公有好賢抑邪之志先志卒艱苦畢事使成燼之餘復得之耀於世有裨學必生不刊吾歎茲山公弟下食笑淑德無煙子如屬代公侯也後之知此書者亦必及于孫院說謝公於佛松紫土云

右親友及後裔民表為謝山公侯

小學考總目

卷一

敕撰一

卷二

敕撰二

卷三

訓詁一

卷四

訓詁二

卷五

訓詁三

卷六

訓詁四

卷七

訓詁五

卷八

訓詁六

卷九

文字一

卷十

文字 二

卷十一

文字 三

卷十二

文字 四

卷十三

文字 五

卷十四

文字 六

卷十五

文字 七

卷十六

文字 八

卷十七

文字 九

卷十八

文字 十

卷十九

文字 十一

卷二十

文字 十二

卷二十一

文字 十三

卷二十二

文字 十四

卷二十三

文字 十五

卷二十四

文字 十六

卷二十五

文字 十七

卷二十六

文字 十八

卷二十七

文字 十九

卷二十八

文字 二十

卷二十九

聲韻一

卷三十

聲韻二

卷三十一

聲韻三

卷三十二

聲韻四

卷三十三

聲韻五

卷三十四

聲韻六

卷三十五

聲韻七

卷三十六

聲韻八

卷三十七

聲韻九

卷三十八

聲韻 十

卷三十九

聲韻 十一

卷四十

聲韻 十二

卷四十一

聲韻 十三

卷四十二

聲韻 十四

卷四十三

聲韻 十五

卷四十四

聲韻 十六

卷四十五

音義 一

卷四十六

音義 二

卷四十七

音義 三

卷四十八

音義 四

卷四十九

音義 五

卷五十

音義 六

小學考總目終